



INSTITUT DES DROITS DE L'HOMME  
ET DE PROMOTION DE LA DEMOCRATIE

LA DEMOCRATIE AU QUOTIDIEN

Siège : CODIAM à COTONOU (Bénin)  
BP : 08-1120 COTONOU  
Tel. : (229) 30-27-06 — Fax : (229) 30-27-07

**L'EDUCATION DES  
POPULATIONS EN  
MATIERE DE VOTE**

4

Version Adja

*Enyɔdrode wení-nwánlin alo Telets'*


SO

**ENUKLANKPLAN JUKONWO SO  
AKODADA N**

HRE/CPR/(3)S/6

SEMINAIRE NATIONAL  
SUR LE PROCESSUS  
ELECTORAL  
lections législatives 1995)

COTONOU/CODIAM  
26 - 27 JANVIER 1985





**INSTITUT DES DROITS DE L'HOMME ET DE PROMOTION DE LA DEMOCRATIE**

**LA DEMOCRATIE AU QUOTIDIEN**

Siège : CODIAM à COTONOU (Bénin)

BP : 08-1120 COTONOU

Tél. : (229) 30-27-06 — Fax : (229) 30-27-07

---

# **L'EDUCATION DES POPULATIONS EN MATIERE DE VOTE**

**4**

Version Adja

*Enyodrode wení-nwánlín alo Teletç*

**SO**

**ENUKLANKPLAN JUKONWO SO**



Wemace Gonmedetwo so

Flansegbeme a so yí Ajagbeme :

- 1 - Jean-Baptiste HONNUVO (HONNOUVO)
- 2 - Zéjanyi TOGBI AGBONYO

*Cette plaquette a été réalisée avec l'assistance financière de  
la Commission Internationale de Juristes (C.I.J.)*

*(Alɔdodolo so C.I.J. gbo)*

## ENYOLEMÈWO

Le Kɔxwi deka me ò, wo dò vòvòxu nō akɔdada hwanyanyawo; nō e kpo eyitexu o, vùvòfu a lé eo.

Ejukɔnlɔwo se ɔsu ɔdendotɔwo nuxuwo sugbɔ. Mì a nú nō mì be wò bú do nuxulɔwomè. Amewo plen byɔbyɔ nyao le wò gbó be wo le dakɔ nō yewo; vò kpò wò de vá sɔ gàmè hwedaka dote yi dré finniwo yi wo a tó kaka yí akɔlo a va nyi dàdà ò. Wanalo wo kpacàkpácá agledetɔ déwo; wò dògbèju be yewo a yi kpo kɔxwílɔmèWemanyatɔ deka ci yi gbo trololo so ejuganmè. Wemanyatɔlo ye dre akɔdada mɔwo nō wò.

(*Nuxuxoxolɔwo a dyidygbe  
yi wò amelɔwo zeze le  
mɛŋkpɔnwi me*)

Wò klán wòó nɔnɔwo kodo akpedodowo. Akɔdada zánlɔ va sɔgbè hɔnnɔ. Amédɔdɔ Ejùta kɔdada nɔyìdekiñinu dekawo va kpo akɔdaxu deka, yi sɔ kandoji be enuwo plen sɔgbè yí wò a dakɔlo nywidé.

Ejukɔnlɔwo dakɔ (*wò a zéze le  
mɛŋkpɔnwi me*) shigbe le yí è je do nene.

Le vòvònu ò, amédɔdɔlɔwo kpo akɔdada wemalɔwo, yi nú le yí è zɔn do, ame nèní ciwo yi duji le akɔdaxulo; jukɔnlɔwo nɔtɔ nɔtexu yi kpɔ lehan ci yi è jo do. Ci yi akɔdadalo do ɔsen lanmè nō ejukɔnlɔwo ò, le vɔvɔmè ò, wò só yi xɔmewo, yi a sɔ nɔtekpo lehan ci yi wò dakɔlo do le àfi kpete wo.

## WANAWO

**WANA ỌKOTO :**

(*Mi le pɔnpi shijuxu kɔxwi deka tɔ; eshijuxulo le kɔxwilo godú dáá. Wò a kpɔkpɔ yiyi kodo gbɔgbɔ nyɔnu eshi nywi jutɔwo tɔ. Le eshijuxulo ọtɔ ò, nyɔnu dəwo le enuwonyà, edəwo klɔklo kpanuwo, keñ yi woo viwo mūmumunú. Wana hɔnwo mε yi nyɔnu amévé (shiba kodo Blawa) ciwo yi le avɔwo nya gò tɔ ade hlwenhlwen le ne.*)

**Blawa :** Shiba, ọ ta Mawu nɔ eo be miwo kɔxwi de xɔ mεjuwo leha kpɔ va yi gbèdè. Le wleci cidwito amévé (2) ciwo vayi mε ò, so le təni kaka sɔ yi kweshila mε ò, agbetɔ hamεhamεwo yi va cɔncɔn mi le miwo kɔxwi mε ọ wò yigo, gbɔgbɔ, dédèkpà kódó amedekelɔwo.

**Shiba :** Blawa, e mɔnje enyɔlɔmε kɔn yi gbe dr'i pεpε ! Le enkeke ɖekame ò, ègbε hata ameton alo amεnε hawo va kpɔ nɔ mì. Enu cime yi nyε ọ de mɔnje ò, wo nu be woo plen ò, ejugan ɖeka mε yi wo só. Vò, wò plen da gbe sɔ ègbèdɔju keñ yí a só amedekánmewo dadá mi zédèka, a sɔ nu enyɔ ɳmedeka nɔ miwo plen zedeka loò ? Enyε ò, nɔ ọ nunù bé "miwo ! miwo ! miwo ò", de nyi amε plen gò; miwo súwo ɖekε yí wò va kpónɔ ; dò ɳsuwo kédε yi vé nɔ wò.

**Blawa :** Vò nyi yi nyí enuló kóñ yi ve nō wò yí wò va jíjì le miwo xwé kaka va do yí miwo súwo a yi bómè a wadwo yí è glo wo.

**Shiba :** (*Yè konukwi videka záá*)

Oxóò ! Blawa, dè nya be akodada zinxoxolo yi nyá wò dó ègbe lo ò. Le kweshila dəwo mə sàbà vyə ò, mì do a dakə a só èga yoyuwo. Ameshame do a dakò. Nō mì a va dakə nō woó ò, èyi tado yí wò váva mi gbó.

(*Shiba tó ekpade de nō Blawa*)

Nɔvinye, e nya be enyə cə gbənnu à. I sésè be wò hénnó èho vε, yi va nanə miwo súwó : Wà blèwù, nyen kanxlé eò ! Gbè byó asu o Kojo se, yi a sɔ byó èho sùgbɔ yi lo! kənkenlen nō eò.

**Blawa :** Vò, nō à nyibé miwó nyɔnuwo ò, akodadalɔ de kan miwo lò ?

Shiba, vò nō wò va nu nō miwo can be miwo le va dakə de, èho nəni yi mì a terə byó wò bé wò le ná miì ?

**Shiba :** Enyε can nyen de mɔŋje enyɔlɔwo mə nywidé bá. Gbedeka ò, nsulɔwo deka va xoxònuxu kodo àṣùnye Hwesu ; yí n se è nunu n'í be amewo plen yi do a dakò. n se yí è



*Mi gbe enu ciwo yí njendoto dékporókpwi a ná mì a só ble mì nò mi a dako n'i.*

gbe nu nɔ Hwesu be yi le nú ame ci yi nyen  
do a dakɔ nɔ nɔ enye.

**Blawa :** Enye ò, akodadanyo wòótòlòwó plén  
va wadyidɔ nɔ enye. Nɔ ame hɔnwo plen nyí  
èga le èjùmè de, miwo yi wò a va kpace nɔ ò  
? Cánhenmè, evyé gbòhwe yí wò do a va vā  
miwo gbo ge à ?

**Shiba :** (*Shiba xɔgbè ni do enyɔlɔwo jí*)

Enyɔnɔnwi yi nyi enyɔlɔwo plen. Vɔ mì do a  
jí a mɔŋje wò mè. Nɔ n nya enuwo degbo yi  
va yí áxweme o, na byɔ enyɔlɔwo se le Hwesu  
gbó. Nɔ de jí be ye a na hwèdèka enye can  
le echo ci yi wò n'í me ò, e do a dré enu  
cihawo yi jòjò le kɔxwi ce me nɔ n.

**Blawa :** Enu ci yi mì do a wa nyao nè. Enye  
o, nyen na xa do aya nɔ Kɔjo kaka nɔ à dre  
enu cihawo yí "mì a dakɔ ! mì a dakɔ" nyo  
cewo a va drado nɔ mì le miwo hennu.

**Shiba :** Evyé ci yi mi nyanuwo degbò ò, mì  
a só dójí zèdèka. Miwo cán ò, mì do a mɔŋje  
me henné.

(*Shiba ko Blawa xoxu woo nunyanyawo  
do eta yi dedo. Wò kpókpó wò daá  
yi wò dódò àxweme. Kɔjo, Hwesu kodo  
Kenđe le àdyità à le áci gangan  
deka ci gɔnme yi wo wa nɔ bɔbɔwo*

*le è. Gàcimè yí nyɔnulɔwo tóto nkɔ  
nɔ woó yí wò dògbè nɔ woó nɔnɔwo ò,  
Kɛndé tɔ nuxuxoxo kodo woó.)*

**Kendé :** Miwo nowo ! miwo nowo ! E dyi shigbe enuciko nɔ mi nene. E le shigbè de jɔjì nɔ mi ci yi mi kpo miwo suwo le ele nенè. Alo, enude yi jɔ do mi ji à ?

*(Shiba kodo Blawa dan leha yi  
wò a w'è. Wò kódovè dan ame ci  
yi a tɔ enyɔlɔ nunú.)*

**Kendé :** N kpo be enudeka jɔjɔ do mi ji nyao là.

*(E xonuxu daga èyi kpenawo)*

**Mi dotò a sé loó :** enudeka de jɔjì nɔ miwo shiwo ló ! E nyó zèdèka bé mì a jí gónmé kpo nɔ enu ci yi jɔjɔ do nyɔnulɔwo jí; nɔ de nyí nene o, nɔ mì va yí miwo xwemewo ò, mì da kpɔ nɔmè zòzú de a dû lo ! Vò nɔ e nyí de cán o, enyen de le yè mè ò. Do nɔ enyeha nyen kpo enuduðu le àfidé kpókpwi o nyen duno.

*(Wo plen tɔ nukwikoko. Nsu vè  
sɔjete a yi kpo nyɔnulɔwo;  
vò Kɔjo ci yi ádyitatalɔ  
nyɔnyɔnɔ de lon be wò le shite  
gò. Gànke wò de sé éyi gbé gò.)*

**Hwesu** : Nyɔnɔnwi yɔ bé enudéka jɔjɔ do mi ji à ? Vevidé ò, Shiba, vɔ n nu nɔ eo be n gbe dè nyɔnu èvètɔ yɔ à ?

(Nyɔnulɔw gbe kpɔtɔ le enubɔbɔmè. Kojo va dɔ wò mè.)

**Kojo** : Mi dotò a sè : nɔ nyɔnulɔwo de jíjì a xonuxu ò, mi a tashi wò nɔ mì a gbe tɔ àdyitata ! Do amède de le miwo cewo me yi mí àzò àmèvè do eta gò.

**Shiba** : Nene yɔ ne gò, mi de do a dódòmèzì go. Do enu sugbɔwo jɔjɔ le miwo kɔxwílɔwo mè so gbèdèka dìi, vɔ kpɔ miwo mì de mɔŋje wò me ò.

**Blawa** : (hɔnhlon dɔ lanme n'i honno yi à tɔ nuxuxoxo.)

EE ! nyɔnɔnwi yɔ. Mi de mɔŋje vayivayi ndendotɔwo alo politikítɔwo tɔ le miwo kɔxwi me so ázan dèwo gbe kugbe ò. "Mì a dáko ! Mì a dakɔ" nyɔlɔwo va wúgan.

(Keŋde tɔ nukwíjá koko)

**Keŋde** : Oxóóò, miwo nɔwo, mi búbù be miwo súwo cán mɔŋje enudé me à ?

(Kojo dódòmèzi, do é kpɔ be enyo ci yi wò nu le ashɛ nɔme hɔn dikpɔtɔ.)

**Kojo** : Keñde, a sén̄ a nú nenehan bá ! Enye o, n̄ nya bé le akodadalo gbe o, ci yi wò nu bé amewo plen yi do a dakɔ o, nyentò nà yiì. Yí nà dakɔ donu nɔ ashinye, a dá donu nɔ novinye, yi a gbe dado enu nɔ èvinyewo plén.

(Keñde gbe tɔ nukwíjákoko)

**Hwesu** : Opví ! Kojo, nenehan yí wo nu ne ba. Wò nube amedekadeka do a yi dakɔ yìntò a só ame ci yi dru'i.

**Kojo** : EE ! nyononwí yó. Vò Blawa o, ashinye yí è nyi kaka yi n̄ nagbàn ni. Eyitado nɔ afɔ cinye je afide o, eyito can a gbe je ehon.

**Keñde** : Eyigonme yi nyibe vòjuto do a dakɔ nɔ vòjushi ciwo plen yí le vojukpame n'i ne hin ! òò, exclonye, de nyi nene yo ne gó. Nɔ wò koxònusu o, nà doto nywide a sè. Ko pliga dre nɔ mì be amedekadeka do a dakɔ èyinjò, a vo a só ame ci yi druí. Ashi sén̄ dakɔ nɔ Sagbo, asu sén̄ dakɔ nɔ Zinsu. Amedekadeka do a vo a só ame ci yi jojì n'i.

**Blawa** : Eyigonme nyibe miwo nyonuwo cán miwo a yi dakɔ à ?

**Kernde** : Eyi nè pepépé ! Nò ñsu alo nyɔnu dè gbe dò exwe 18 vò, e dò a yi dakɔ.

**Kojo** : Nyɔnonwi yó; enye o, n de yi sukulu shìgbè eo nene ò. Vò, etame sɔgbè nò enye nywidé. Yí wò de dò a gban miwo kɔxwí ò.

**Kernde** : N de bùbù be e tritò ve ò. Só gònñèjeje o, wò ten ma mɔnje enumè. Vò nò amede nyanu nywide wú eo, yi dré enu nò eo o, e do a li dò ètome.

**Shiba** : (*Shiba nu enyo deka nò Blawa*)

Enyo cè de gbe nya sèsè nò n gó. Nò èvù va jemè o, à nyi miwó yí dó.

**Blawa** : (*Ye de dyi enude nò Blawa ò.*)

Tashi wò nò wò a leji a wawà. Wòò ñtɔwo yi nyá ele ciwo yi leme nò wò.

(*dyìkalo ji yí wò le yi kpó èhun dotogan ci yi nyi kɔxwìlɔmèvi tɔ va yí gó ; ye gbo va axwe a va gbɔn le kweshilalo vɔvɔmè*)

**Hwesu** : Exlonye wo, mi doto nywide a sè ; mi n gbe shikan a le dyìkà do o gbàli ò. Evye o, n nya be amedeka le kɔxwìlɔmè yi mɔnje enulɔwomè wu miwo plen le ele. E gbé nyi miwo kɔxwìmèvi. Yè a so enyɔlo nò mi. Vò kpó yè da gbé kañsu nò mi ò.

**Kojo** : Nyɔnɔnwí yó, mì a yi kpɔ yè. Eyi yí zón èhunmè va yi evyé.

**Shiba** : Mìwo cán mì a yi kodo mi drú à ?

**Hwesu, Kojo ko Kenđe** : EE ! mi a yi kodo mi drú.

(*Mì kpɔ amelso plen kpé dotogan lo kwé ; e dyí shigbè wò gbe kpɔtɔ le nuxulɔwo jí nene. Nyɔnuwo sɔ woó yawawo dado gbadonu. Kojo do axwelɔmè jeŋkɔ, amekpetewo kplɔ e do. Woó vavá kpacá dotoganlo, gàn è xɔ wò kodó jijɔ.*)

**Dotogan** : Miwozɔn loo ! fofonye kodo dadanye veviwó ! Evyé trólóló yí n dodo áxwemè. N bu be enu báda de de jɔdo mi ji ò.

**Kojo** : Oò, novinye, enubađa de de jo gó. Miwo Kenđe yi bakàbáká enyɔwo, yi gbe jiji a zín mìwo pléñ do mè. E le wemanyatɔ wa le ele, vò sukulu ci yi è yi ñ, exɔ àmáđen (6) mè kpáñ yi è sén.

**Kenđe** : Dotogan mì jíji kpòñ be wo le dré akɔdada nyɔwo plen mè nɔ mì.

**Hwesu** : Enyɔlo gè Dotogan : amewo plen vavà mì gbó ele bé mìwo le dakɔ nɔ yewo; vò kpó

mì de nyá enugangan de so akɔdadalo ñ ò. Mì jíji a mɔnjeme nywidé keŋ a séññ nyá leha ci yi mì a só miwo gawo dó.

**Dotogan** : Fofonye veviwo, dadanye veviwo, ñ kanfú miwo fɔsɔsówo. Mi wadàñ nywidé be yewo a mɔnje akɔdadalo gɔnmɛ, miwo ñsuwo ; vò vèvideto ò, yè yí nyí miwo nyɔnuwo.

Gbòhwè yí na dɔñci nɔ mi ò, ñ kanfú miwo fɔsɔsówo. Mi wadàñ nywidé be yewo a mɔnje akɔdadalo gɔnmɛ, miwo ñsuwo ; vò vèvideto ò, yè yí nyí miwo nyɔnuwo.

Gbòhwè yí na dɔñci nɔ mi ò, ñ ji bē nà dra Hwesu nuxuxoxo deka dó. De nyí èyi dæké yi búbù nene ò. Ame sùgbɔ le mì me yi bubù be yewo a yi dakɔ a só ègawo. Oò, ame ciwo yí mì só nò wó de nyi nò miwo gawo bá : Wò teñ nyí Ejùtato, amedodówo, kɔkpligawo alo kɔxwímegawo. Nò wò sò wòó plén degbò yi wò va tɔ ega wawa can ò, èjukɔnlɔfɔ yi wò sò dótè. Miwo yi dakɔ yi sò woó, gàhɔnme o, miwo gbedotɔwo yi wò nyí, èjukɔnsentɔwo yi wò nyí.

*(Enudredre dotogatɔlɔwo plen ò,  
wò do a zézè le mènkɔnwi há mè  
yí wò kpókpò keŋ a gbe sésè  
dotoganlɔ gbemè)*

**Dotogan** : Nyi yi nyí akɔdada à ? Akɔdada nyi ègbèta ci yí jumeviwo a na só lehan ci yi wò a zán èjù alo kòxwi dó, alo nònòmè cihawo yí ame ciwo yí wò a sò wo a dó. Só akɔdada n ò, jùmèvi do a dré ame ciha yi drui, leha ci yi è dro be wò a zán éjulo dó.


**Hwesu** : Eyì gonme yi nyi bé jùmèvi dekadeka a vo a nú enu ci yi è jìji e à ?

**Dotogan** : Eyine pepepé ! akɔdada o, xixemenu yí è nyi; amèdeka do a sò amèdeka; bèbimenu yí è nyi... Amède kpokpwí de do a jeshi ame ci yi èhàlo dakɔ nò ò : ndendodogbewo yó à, efyɔhawo yó à, alo akɔdato kpete wo yó à, ède da mɔnjé éde mèè.

**Kɔjo** : Eyi gonme nyi bé ashinye ten só èyidéké a yi dakɔ, vò kpó da nú ame ci yi è sò nò ñ à ?

**Dotogan** : EE, nene yó nè. Le akɔdadame o, ashio gbeta do a sɔgbè kodo àó gbeta ; amèdeka deka do a vo a sò ame ci yi drui.

**Blawa** : Ameshame yi a yí dakɔlo à ? Dèvixwe kodo edɔnɔwo can le me à ?



*Gbôhwe nô amede a yi dakɔ o, e dô a yi na èyi nyikô dô akodatowowemagán mè.*

**Dotogan** : EE, ame ciha yi dō exwe 18 yi de dá le èsè ji kpó ò, yí tamesogbè n'ì o, e dō a dakɔ; neneke yí wò gbe teñ a dakɔ no èye can henne no de yí gāmè kpɔ nō : efin, ametrentrén, táfutáfú, ameblebledu... kodo kpetewo.

**Shiba** : Vò le nyɔxówó, èdòñowó, nyɔnufùñowó ci yi jíjì eviwo, amehɔnhawo ci yi da senn̄ so a yi dakɔ wo a w'é do ò ?

**Dotogan** : Nɔ amede da senn̄ a yi dakɔ èyinjɔ ò, èse deka li nɔ leha ci yi a wa do. Nō jùwèvi ñe de da o, e teñ só èyì wema na amebu nō à dakɔ n'ì. Gahonme o, e do a xo ègbènawema deka le efyɔhawo shí a so na amelo. Nenehake amelo cán de ño a da le èsèlòwo ñe jí nè. Wòó kodo vè nyikɔwo ño a le akɔdawema deka mè.

(nyɔxówó, dɔñowó, nyɔnufùñowó ño  
a zézè le mèñkpɔñwílòmè hwècinu  
yi dotogan xókòñuxu)

**Kojo** : Le miwo kɔdanyɔlɔmè ñe, e le vevidé bé ásu, ashi kodo eviwo a yi duú à ? Canhenne, nō ñ de yi dakɔ ñe, nyi yi wò a wa no ñ ò ?

**Dotogan** : Nō de yi dakɔ ò, amede da wa enude nɔ eo ò; vò e nyɔ wu nō n'à yi

dakɔlo, vevide èvùmawa. Wò a húnhònlɔwo dàdè nɔ akɔdatɔwo só nyidin ègà 7 mɛ a sɔ yí fyeshi ègà 5 mɛè.

Nyɔnɔnwi yɔ, akɔdadame yi jùmèviwo a sɔ woo ŋkɔnɔtɔwo le kodo lehan yi wò do a hen wò ju do. Eyi gɔnmɛ nyibe nɔ amɛ sugbɔ de yi dakɔ, àhànumutɔ dəwo kodo flanfinnɔ dəwo teŋ sɔ wòó hametɔ ciwo yi nyí ahanumutɔ alo flanfinnɔ shìgbè wòonjtɔwo nene. Gahɔnme ò, amɛ ciwo yi gbé mayi dakɔ wo de dò ŋsen a nû nyɔde so nû ò. Enu yi wò dò á bɔ kpɔñ.

**Hwesu** : Evyé yí ŋ tɔ enu ci yi nyi akɔdadaloñme momonje gè ; ŋ gbe momonje enu ci yi taðo yí amɛ pler do a yi dakɔ. Vò, dotogan, enyɔ cinyewo dé vó hòdè ba.

**Dotogan** : Nyɔnɔnwi yɔ, Hwesu, ŋ de ŋlobè ào nyɔ vevilɔ só akɔdadanyɔwo nû ò.

Nyao ò, emɔ sùgbò yí wò a tó gbòhwe yí akɔ a nyí dàdà.

Nɔ egalɔmɛ va do o, efyɔhawo a de akɔdatɔwo nyikɔwo tó. Le shìgbè leha ci yi ŋ nu i vayi nene o, èjùmèvi ci yi do exwe 18 a yi akɔdaxu ci yi le èyi kɔxwimɛ kodo èyi kunudewema. Wema hɔnha teŋ nyí : jeshidowema, ayamɛhundowema, jijiwema,



*Edónowó, nyoxbwo, nyɔnufùnówo, kpòjì vò, ame cihawo da sénn yi  
akɔdaxu le akɔdagbewo ɔ, wo téŋ xó ègbènamewema le efyɔhawo  
gbó a so na amede nò à yi dako do woó texu.*

ehunkukuwema, àhwàviwema, edowadegboto  
amegbali kodo ahwaviwo wema, alo fyohawema  
cihawo yi a na yi wò a jeshi akodato  
deka deka kodo èyi nyikó. Nø nenehan  
wemalowo de de le amedeshi o, koxwigawo  
bobo ter d'alo wema me a nube yi nyi  
èjumévi nyao, yi de dá le èsè lówo de ji  
kaka yi akodada a glui ò.

(Akodawema deka a zézé  
le menkpónwi mè).

**Kojo** : Eyigónme nyibe nō nóno ele o, n da  
seny a yi dakó le kòxwibumè ò.

**Dotogan** : EE, Kojo, e nyó wú nò nà xo  
akodawema le ao noxu so wú nò e yi xo e le  
àfèbú. Nyao yó, e le èsè me be amedekádéká  
dó a dakó le fini yi wò nlwé èyi nyikó dó.  
E gbe le vevidé nò mà nu no mi a nya be :  
no amede yi na nyikó bu dó èyi texu dó  
akodadawemamè, ken yi ná èyi nyikó do  
akodadawema èvè (2) me alo sugbo me o, wò a  
lí do gànè, alo a cù èyi fén.

Esèlo ké yi gbe le amede kpokpwí ci yi  
a hén ègunú a so yi akodaxulowo. Nø mi nube  
ègunú o, denyi ècu deke yó gó. E gbe nyi  
ewi, èfyó, kpaca, ekpo, dèkpi alo ahhawanu  
buwo.

Mi do a desha alo a dansin ame ci yi a va ná eho mi, alo a dó èhogbe nō mì a dakó nō ènyiŋto alo nō amebu ci yi è jiji a só : èsèlo gbé nенcha wanawo.

**Kendé** : Dotogan, nō n de byó èholo gbòhwè yi è na n can à ?

**Dotogan** : Nō e lən yi xó èholo o, nà nya bé eo kodo amelō ci yi ná èho eo fin o, mi a nō game a xó exwe amátòn (5) han, ken a gbe cu èho ci yi terj yi flan 1.000.000 (*linlon deka*) han.

**Kendé** : Dotogan, n dodo àkpè nō eo kaka. Enu ci yi kpoto kpòn o, èyi nywibe miwo xlçwo n gbe bu emo ci yi wò a terj tó a sò yi àfi ci yi woó nyikçwo le akodadawemame lè. Enye o, n sogbè lete kpɔ azanlo gbè; mi dódo àkpè nō eo kaká.

**Dotogan** : Oò, enye yi a dó àkpè nō mì, do miwo yi ná yí nyen wa èdɔ cinye è. Nyao o, enu ciha yí èjumèvi dekadéka ci yi mɔŋje enumè sò wúgan ehalo kpetewo do a wa yí enye can n wawà. Enu ci yi kpoto evyé o, èyí nyibé miwo cán mí a dó alɔ miwo novi kpetewo nō wo a mɔŋje enuló mè.

(*Woo plén mámo kodo jijò*)

## WANA EVETCLO

(Akɔdabbelɔ dó. Nyidin o, mì kpókpɔ akɔdaxu deka ci yi le efyɔhawo sukulu deka; akɔdada nkɔnɔtɔlɔwo, ndendodogbewo alo ame ciwo yi mì a dakɔ no wó, wò plen tò. Amε ciwo yi dannɔ tó akɔdaxuwo cán va dó.)

**Akɔdaxu Cekpatɔ :** (é dégbè sɔ akɔdadalo nó akɔdato nkɔtɔ ciwo yi vā kodo akɔdaxu nkɔnɔtɔwo)


ŋ dodo àkpe no mì ci yi mi deble va ele a teŋ wa jumevi dó egbétò ci yi nyí akɔdada. Enyento kodo arjhame tɔwo, mì a nó dèkè a so kpó akɔdadaloji nywidé. Akɔdanuwo plen sɔgbè. Exlɔnye veviwo, mi tekpo a xɔjìgbòn dε nó qàbàxoxo dεwo; gahɔnme o, mi a gbe trɔ a kpɔbé enulɔwo plen sɔgbè mè; èyi a na yí mi a vo a dakɔfafedé. Nó é nyide cán o, mi a tó akɔdadaloji do gàmè pépépé.

(Akɔdaxu cekpatɔlo tɔ enuwo  
glógló kpɔ bé wò sɔgbè le woó  
texuwo me ; enushanu zézè do  
mεŋkpɔnwílme)

**Akɔdaxu Cekpatɔ :** Amε ciwo plen yí wò a dakɔ nowo fɔsɔdotetɔwo sɔgbè le akɔdaxu ce à ?

**ŋsudekawo xɔgbè :** EE ! mì l'i.

(wò dánsin wò le mεŋkpɔnwíme)



*Wò dò a cù akodada dakalo nywidé, a dò klàndúba àló glàgo yi ji.*

**Akɔdaxu Cekpatɔ :** Eyi gè ! Miwo plen mi kpù kodo ñ : miwo me ciwo yi wò a dakɔ no dékadéka wemawo l'i yi gbe sugbɔ kón.

**Akɔdaxu nkɔnɔtɔwo :** EE !

(*Wò a dandansin akɔdawemalɔwo  
le mεŋkpɔnwiłɔmε*)


**Akɔdaxu Cekpatɔ :** Evyé o, mi teñ kandojí bé akɔdada wlaxúlɔ nyó nó amewo a dakɔfaféqué le wlawlame yí amebu da teñ nya ame ci yi wò só ò.

(*Akɔdada wlaxulɔ á zé le  
mεŋkpɔnwiłɔ mε*)

**Akɔdaxu Cekpatɔ :** (*dadá akɔdatɔwo*)

η nya be miwo plen mi segònmè no enu ci yi mi jiji a wa egbe; èyí tado yí mi fonzan yi vá ele. Gànke o, η byɔgbè mi a gbe so dré enu ciwo yi mi a wa le ele wo plen. Mi a tonɔnɔnu nonɔnu, zìngidí ma xo; ken mi a tónɔ ñmè no akɔdaxu nkɔnɔtɔwo dékadéka. Wò á kpó miwo kɔdada wemawo, a gbe kandoji be wò ñlwɛ miwo do akɔdatɔwo mè.

Nó mi dakɔ degbò o, mi a gbe trɔ tó ekplɔn ñkɔ, a só alɔvi dènglèmèsu zín dó wemame; dó ame deka de do a dakɔ zèvè gó.



Akodadalo o, enu gangán deká yí è nyi.  
Wò dò a wa do tòtòmè èsetowo jí a só d'è.

(*Emɔ hɔn plen ci yi akɔdato  
deka deka a tó o, wò dò a zézè  
nywide le mɛŋkpɔnwiłɔmɛ keŋ yi  
akɔdaxu cɛkpatɔ nuxuxoxo a gbe  
dyidyi yi wò a sésè*)

Akɔdato dekadeka do a sós ame ciwo yi wò a dako no wo plen wema kodo wemakpo deka ; keŋ à yi akɔdada wlasú. E dò a sós ame ci yi è jeshi nywidé yi jíjì a dako n'i; amelɔ wema deke kpáŋ yi à so do wemakpolomè. Gàn, èxlo vèviwo, ayexa le nôte no mí sùgbɔ. Mi de dò a sós wema àmèvè (2) do wemakpo deka me ò. Wò de dò a tefin de dò wemaló alo wemakpolo jí ò. Mi de do a zán wemakpó budé a so tóvò no ci yi wò na mì le akɔdaxuló ò. Nô mi de zon do ese hɔnwo jí o, à nyi miwo kɔdada a nyi enugbalí.

Eyi godú o, no mi so ame miwotolo wema dò wemakpome degbò o, mi a tró to ekplɔnlɔ nkɔ, keŋ a sós wemakpolo dò qàka ce mè. Miwo yi nryí ame nkɔtɔwo; ame ciwo yi mi a dako no fɔdotetɔwo sɔgbè. Mì do a kandójí bé só gònmejeje me o, dakalo le tòótù.

(*Wò a hun dakalo tòótù yi  
amelɔwo plen a kpɔ mè*)

Evyé o, mì a cú dakalo a dò klàdabají.

(*dakalo glaglá kodo kladuba  
a zé le mɛŋkpɔnwi mɛ*)

Exlɔnyewo, ci yi kpɔtɔ nɔ mi o, mi do a wa jùmèvidó le akɔdada ce me.

(Amèdewo a tɔ́ akɔdada yi a  
zé le mèŋkpɔnwiłɔ́ me)

Nɔ e dró amèdewo o, wò ten tró vā akɔdaxu ce ke me le fyeshi èga 5 me a kpɔ le akɔdadalo yi do.


(Akɔdadalo dote; wò sɔ́ dàkalɔwo va  
yi kɔkplixwe le exɔ gangan deka  
mè. Wò sɔ́ dàka deká daðe yi tɔ́  
kànkànkàn mè. Amèwo va kpɔ lehan  
ci yi enulɔwo a yí do :

- dàkalɔwo gbe kpɔtɔ le cùcú
- Wò hún dàkalɔ
- Wò hlen ame ciwo yi dakɔ
- Wò kpɔ be ame ciwo yi dakɔ  
sɔgbè ko ame ciwo yí wò ɳlwè ðe wo.
- Wò tɔ́ hame dede nɔ ame ciwo yí wò  
dakɔlo nɔ wo, alo nɔ ègbelɔwo.  
Wò a sésé amèdeka gbemè yí à dredre  
wanalɔwo dekádeka.

Hwesu, Kende ko Kojo ciwo va keŋkuvi  
yi kpɔkpɔ le enulɔwo yiyì do wó zézè  
le mèŋkpɔnwième.

Wò yo ame ciwo yí wò sɔ le akɔdaxu  
cewo nyikó. Kende, Hwesu ko Kojo to  
le amelɔwo mè; wò va yí àhanuxu deka.)

**Kende** : Nyao, novinyewo, enu ci yi wò yɔnɔ  
be akɔdada ne kón. Mi gbe ðɔŋwí leha ci yi  
amèwo nyahwà va mi gbó nɔ akɔdada ce à?  
Gànke ci yi àzanlo sɔgbè egbe ðe  
amèdeka ðeka vo fèè ! yi dakɔ nɔ ame ci yi  
drui.



*Ameshame yi dó a dákoló : nyonuwo cán le mè.*


**Kojo** : Eo ci yi le wemanyato wa ðe, e nya honwo plen sá à ?

**Hwesu** : Ðyìkà hon yè de gbe le vevídé ò. Enu ci yi nyó evyé õ, èyi nyi bé amedekadeka do a nyá enu ci yi à wa nò wò jiji a dakø, enu ciwo yí à wa le akodadagbè, kodo leha ci yi wò kankanno akodadadakalø me do.

**Kojo** : Enyo jo nò eo nyao; wò dò a gbe nya be akodada de dò á nyí èvùwawa ò, de dò a nyí ahwawawa shìgbè leha ci yi ñdendotowo jino a va nui nò mi, a va zinzin mì ji le miwo koxwiwo mè nенè.

**Kende** : Nò Kojo mɔnjeme vò, à nyi àhanunu yi kpoto nò mi; do nò amede duji evyé vò, mì a nya bé èyi duji nyao.

(Kokpuwo yíji, wò tó ahanunu; wò kpá éhà deka nò akodadalø yi tó jiji)



*Ame ciwo plénj yí è dro wó o, wò ten va nótexu a kpó kèjékéjémè no  
ako ci yi wò dá lo, ken a nyá ame ciwo yí duji.*

## **AMÈ CIWO YI ZE LE MÈJKPONWIWO ME**

- 1.- Blawa
- 2.- Shiba
- 3.- Kerjde
- 4.- Hwesu
- 5.- Kojo
- 6.- Dotogan
- 7.- Akodaxu Cekpatɔ

## **AKODADA NUWO**

- 1.- Akodato wema
- 2.- Akodatɔwo wemagan
- 3.- Akodada qaka kodo klàduba
- 4.- Wemacishi
- 5.- Akodaxu wláxú
- 6.- Akodada wema
- 7.- Wemakpo
- 8.- Ehun (alo moto) kogwi dekā
- 9.- Zòkeke
- 10.- Moto gangán

## **WANALO COWUNU**

- 1.- Kùtɔnu kókpli deka
- 2.- Efyoħawo sukulu deka
- 3.- Eshikuxu deka
- 4.- Axwe deka kodo èyi kpame
- 5.- Aci gangan hiya deka

**ENU CIHAWO YI A GBE ZE LE MΕΗKPΩNWIMΕ**

- 1.- Nyɔxo deka
- 2.- Dɔnɔ deka a le èbají
- 3.- Nyɔnu èfùnɔ deka a jiji evi
- 4.- Enubu hàmehàmè ciwo yi a va zan wó

**Wemace Gonmedetwo só Flansegbemè a sɔ yí  
Ajagbemè :**

- 1.- Jean-Baptiste HONNUVO (HONNOUVO)
- 2.- Zôjanyi TOGBI AGBONYO

*Impression : Imprimerie Notre-Dame*

*BP : 105 • Tél : (229) 32-12-07 • Fax : (229) 32-11-19*

*N° d'impression 0094 - 03 - 1995*

*Dépôt Légal : 1er Trimestre 1995*

*Produit en République du Bénin*

